

798 Trevrizent ze Parzivale sprach:

»grœzer wunder selten ie geschach,
sît ir ab got erzürnet hât,
daz sîn endelôsiu trinitât

5 iwers willen werschaft worden ist.
ich louc durch ableitens list
vome Grâle, wie ez umb in stüende.
gebt mir wandel vür die sünde.
Ich sol gehörsam iu nû sîn,

10 swester sun unt der hêrre mîn.
daz die vertribene geiste

mit der gotes volleiste
bî dem Grâle wæren,
kom iu von mir ze mæren,

15 unze daz si hulde dâ gebiten.

got ist stæte mit sölhen siten,
er strîtet iemer wider sie,
die ich iu ze hulden nante hie.
Swer sînes lônës iht wil tragen,

20 der muoz den selben widersagen.

êweclîch sint si verlorn;
die vlust si selbe hânt erkorn.
Mich müet êt iwer arbeit;

ez was ie ungewonheit,

25 daz den Grâl ze keinen zîten

iemen mohte erstrîten.
ich het iuch gern dâ von genomen.
nû ist ez anders umb iuch komen;
sich hât gehœhet iwer gewin.

30 nû kêrt an diemuot iuern sin.«

sît ir aber (sit aber er *I* sît aber got **T*) e. (Gezurnet *I*) hât, **G* (*ohne Z*) (**T*)

i. w. werhaft (Gewer *I*) w. ist. **G* (**T*)

der *om.* **T*

Gr. wæren **G*

komen (chomen von *I*) mir ze m., **G* (*ohne Z*)

imer an sie, **G* **T*

ich (ich *nv G*) ze h. **G* (*ohne Z*)

si sint **G* (*V*)

êt *om.* **T Z*

nû k. (*om. U*) an den muot iuvern sin.« **T* (*I*)

**D*: *D* **m*: *m* *V* **G*: *G I Z* **T*: *U*

1 Initiale *D V G I Z U* 9 Majuskel *D* 15 Initiale *I* 19 Majuskel *D* 23 Majuskel *D*

5 werschaft] werhaft **m* (*nur m*) 10 der] *om.* **m* 22 si] si alle **m* (*nur m*)